

کتابخانه

آدره من تبدیلند ایریجه
غروش کوندرملیدر.

مکتوبلرک امضاری واضح
واوقوناقلی اولسی و آبرونه
صره نومروسی محتوی
بولونسی لازمدر

ممالک اجنبیه ایچون آبرونه
اولانلرک آدرسلرینک
فرانسزجه یازلسی رجا اولنور.

پاره کوندردیکی زمان نهیه
دائر اولدینی بیلدیرلسی
رجا اولنور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد ماکف

والله یهدی من یشاء الی صراط مستقیم

آبرونه شرائطی : هر بر ایچون
سنه لکی (۴۰۰) آلتی ایلمی
(۲۲۵) ممالک اجنبیه ایچون
سنه لکی (۴۵۰) آلتی ایلمی
(۲۵۰) غروشدر.

نسخه سی ۷,۵ غروشدر .
سنه لکی ۵۲ عدددر .

اداره خانه : باب عالی جاده سنده
رشید افندی خائنده

اخطارات
آبرونه بدلی پشیندر .

مسلكه موافق آثار مع المنونیه
قبول اولنور . درج ایدله یین
یازیر اعاده اولنماز .

« یونانستانه دینسز معلملره دوشمن »

« آتیه ، غزته لرند ، اوقوندیغه کوره ، بوندن بر مدت اول
« آتیه ، سن سینودی معارف نظارتیه مراجعت ایدره رک مکتبلره ده
بولان بعض دینسز معلملرک ده کیشدیرلمسی ایسته مشدر . بو کرده ده
اون اوچ مختلف جمعیت واصناف مرخصلری سن سینود رئیس صفتیه
آتیه متره بولیدینه کیده رک مکتبلرک دینسز لر دن تطهیر ایدیلوب ایدلمه دیکنی
خلقک اوکرتمک ایسته دیکنی بیلدیر مشدر . »

بالاده نقل اولان تشبیک شکلنه نظراً ، یونان ملتی ، دیانت دویغولری
تحکیمه الیریشلی چاره بی پک کوزل کشف ایتمشدر . فی الحقیقه ،
مکتب صیره لری اک مساعد تلقینات ساحه لریدر . دیندارلق تلقیناتی
ایچون ده ، دینسز لک تلقیناتی ایچون ده یکانه محل و موقع مکتب
صیره لریدر . بو خصوصده مکتبلره رقابت ایدمک ، اونلرک یابدقلری
بیقه جق ، ییقدقلری یا باجق بشقه هیچ بر تلقینات محل و موقعی یوقدر .
مکتبلر بنیان دیاتی ییقمق ایسته لرلر ییقلر ، یا مق ایسته لرلر
یا بارلر ؛ نه یا مالری طور دیر یله بیلیر ، نه ده ییقمالری توقیف ایدیله بیلیر .
اساساً بر ییقی ایلله هیچ بر یا ییجی باشه چیقاماز . ساده جه بر یا ییجی دکل ،
بر چوق یا ییجیلر بیلله ، آلری طوتولمایان و یاخود طوتولمایان بر
ییقی ایلله بوی اولچوشه من . جامعلر ، کلیسه لر ، واعظلر ، خطیلر
محررلر ، کتابلر ، رساله لر ، مجموعه لر ، تکیه لر ، شیخلر دیانت لهنه
نه قادر تلقیناتده بولورلرلر بولنسونلر ، دیانت علیهنه تلقیناتده بولان
مکتبلرک تخریباتی تعمیره موفق اوله منلر . بالعکس ، سائر اسباب
وعوامل ، دیانت دویغولری اطفایه نه درجه چالیشیرسه چالیشین ، او
دویغولری تلقیح و تحکیم ایتمک چالیشان مکتبلرک تأثیرات روحیه سی
سیلوب چیقاماز . آنک ایچون ، مکتب معلملرینک دینی ، اجتماعی ،
اخلاقی حیات عمومی ده پک عظیم تأثیرلری واردر .

هانکی هیئت اجتماعی دیندار ایسه ، دیندارلری معلملرینک تلقیناتی
نمره سی و هانکی هیئت اجتماعی دینسز ایسه ، دینسز لکی معلملرینک
تلقیناتی سینه سیدر . هانکی ملت اخلاقی ، اجتماعی فضیلتلریله ممتاز و متصف
ایسه ، معلملرینک فضائل اخلاقیه و اجتماعی سنک تمثالیدر . و هانکی ملت
فضائل اخلاقیه و اجتماعی دن محروم ایسه ، معلملرینک نمونه تردیات
و تذذباتیدر . هانکی دولت مترقی ایسه ، وسائط ترقیسی معلملریدر ،
و هر هانکی دولت متردی ایسه ، عوامل تردیسی معلملریدر . معلملر ، متردی
بر ملت و دولتی ترقی ایتدیره بیله جکلری کبی ، مترقی بر ملت و دولتی ده
اضمحلاله ، انحلاله طوغری سور و کله یوب کوتوره بیلیرلر . معلملرک
وظیفه لری والدلرک وظیفه لرندن ده مهم و ده شمولیدر . والدلر
جسمانیت مربیلری ، معلملر ایسه روح مربیلریدر . انسانیت جسمانیتله
دکل ، روح ایلله قائمدر . والدلرک وظیفه لری خصوصی ، معلملرک

وظیفه لری ایسه عمومیدر . نظر اسلامده ، معلملک حقنک ، والدلک
حقندن مقدم اولماسی ، والدلر حقنک جسمانی برحق ، معلملک حقنک ده
روحانی برحق تلقی ایدلمه سندن ایلری کلشدر . مکتب طلبه سنک روحی
هر نوع تلقیناتی قبوله مستعددر . ائی تلقینات ائی روحی طلبه یتشدر .
قنا تلقینات د قنا تربیه لی شا کردلر یتشمه سنه خدمت ایدر . بر چوق
ایلک دفعه ، ابوینک طرز تربیه سی تأثیراتنه تابع اولور . آنک ایچون ،
مبلغ دیانت افندمن حضرتلری [هر چوق فطرت سلیمه ایلله دنیا به
کلیر . اونی سوکره دن یهودی ، نصرانی ، مجوسی یا بان ابوینک طرز
تربیه سیدر] بیوریور . بوارشاد نبوی پک طوغری و پک حکیماندر .
فقط معلملر ابوینک تربیه سی تأثیراتی تبدیل و ازاله ایدم بیلیرلر . معلملرک
طرز تربیه لری تأثیراتی ایسه ، نه ابوین ، نه ده بشقه لری قولای قولای
تبدیل و ازاله ایدم من . دیمک که ابوینک طرز تربیه لری چو جوغک مبدأ
حیاتیه علاقه دار ، معلملرک طرز تربیه سی ایسه بتون حیاتیه مناسبتدار
اولمقددر . شوخالده ، چو جوقلری بتون حیاتلرنده بدبخت ایدن سوء
اخلاقک ، سوء تربیه نک ، دینسز لکک ، بتون مسئولیتلری دکل ایسه ده ،
شبه سز اعظمی مسئولیتلری معلملره عائددر . فردلری بدبخت ایدن سوء
تربیه لرک ، فردلر دن متشکل هیئت اجتماعی لری ده بدبخت ایدم جکی جهته
معلملرک وظیفه لری پک آغیر و مسئولیتلری ده پک عظیمدر . فقط مادی
بر مسئولیت اولمادیغنی بیلن و معنوی مسئولیتلر بولندیغنه ده اعتقاد ایتمین
معلملره ایفای وظیفه ایتدیرمه نک مادی و معنوی مسئولیتلری ده هیئت
اجتماعیه لره متوجهدر . آنک ایچون ، دیندار ، فضیلتی نسللر یتشدر مک
و بصورتله مسئولیت مادی و معنویه دن قورتولمق ایسته من ملتلم معلملرک
دیندار و فضیلتی اولمالرینه اعظمی بر اهمیت ویرمکده پک حقلی درلر
و دیانت دویغولری ده آنجق بصورتله تحکیم ایدیله بیلیر .

بجی عقیف

سبیل الرشاد جریده اسلامیه سی مربیت علیهنه

« ایضاحه محتاج بر نقطه » عنوانیه سبیل الرشاد جریده اسلامیه سنده
کورولن ۱۲ شوال سنه ۱۳۴۲ و ۱۵ مایس سنه ۱۳۴۰ و ۶۰۰ نومرولو
مطالعیه جواب :

ریاست ، غزته خابرینه واقع اولان افاداننده نمارلرده کی قرآنک
تورکجه اولمسی ادعا احتمالی نظر دقته آله رق بونک هیچ بر زمان ممکن
اوله مایه جغنی افاده ایتمشدر . بیاناتک بعض جمله لرینک ترک و یا علاوه
ایدیلدیکی نشرندن صکره کورولمش اولمغه توضیح حقیقت اولونور .

دیانت ایشلری رئیس

آقره

رفت